


外科證治全生下



製藥

用藥如用兵也。兵有勇猛。藥有燥烈。烈藥經製則純。勇兵經練則精。兵精破賊不難。烈藥治病易瘳。苟炮製不妥。猶勇兵之武藝未備也。今人不精於製。而視性之烈燥者。畏如蛇蠍。諉之曰一效難求。余初讀藥性。繼攻炮製。然藥之性。古今之議未遠。炮製之法。卻有不同。余畱心四十餘年。深得製度烈藥之法。用之功靈效速。萬無一失。方悉烈藥之力。如勇兵製藥猶如演武也。因古書獨於烈藥之處未詳。是以錄登是集。爲炮製之補遺云爾。

銅青

酸平微毒。治惡瘡疔瘡。殺蟲吐風痰。

鉛粉

酸冷無毒。消中風痰。止驚吐逆。

黃丹

臨用炒紫色。篩入膏內。生肌療溼。殺疥癬蟲。

密陀僧

研水浸煮。澄去水。日乾入膏。消痞殺蟲。

鐵鏽

殺疥蟲。

丹砂

研粉水飛。養神安魄。除中惡腹痛。驚癇胎毒。

水銀


應依方製用。有微毒治惡瘡白禿下死胎。

輕粉

有毒。除爛孔毒根。驚癇瘙癢。惡瘡癩癰。

銀朱

有微毒。療疥癬。殺蟲止癢。殺蝨。



雄黃

名腰黃。透明者佳。水飛。治惡瘡死肌。消癰毒。化腹中瘀血。

滑石

丹皮對分煑透。取石研水飛。通九竅。利六腑。生津液。分水道。行積滯。逐凝血。降心火。解暑熱。

礪石

經製無毒。不傷人畜。同鉛入器內。礪放鉛底。火鎔煙盡。爲度。鉛上刮下者。名金頂礪。取香油一兩。生礪一錢。研入油煎。沫盡煙絕。擦鵝掌風。取紅棗去核。以礪代核。髮紫。入炭。

火煅至煙盡。取研細粉。名赤霜。治走馬牙疳。久潰不斂者。撒上數次。收功。生者可療冷哮。不傷人畜。

元精石

鹹溫無毒。治小兒驚癇。鞭舌。

寒水石

性寒。火煅用。治潮熱中暑牙癰。

硼砂

性暖。止嗽。療喉去翳。口齒諸瘡。津蘸點目。立療閃頸促腰。

硫黃

敲細粒。以蘿蔔搗爛絞汁煮。再換紫背浮萍湯煮。再煎角
荊湯飛過去盡毒臭。日乾研粉色。白取豬臟淡煮爛熟。每
日早晚各取一段。蘸粉分餘食。治久痢滑瀉。命門不足。虛
損洩精。壯陽道。補筋骨。殺臟蟲。長肌肉。治陰蝕。生用殺瘡
蟲。療瘟雞。

白礬

透明者佳。蝕惡肉。固齒。以橄欖蘸食。味佳。療癰證。解腸中
毒。治癰痔頑痰。

綠礬卽阜礬

療疳黃胖燥脾溼化痰。

伏龍肝

卽竈心土再燒紅研水飛日乾乳調立療湯火爛孔。

甘草

切三寸一段水浸透放炭火鐵篩漫炙炙至汁將出卽取離火暫冷再炙炙至草熟去皮切片熟者健脾和中甘平之品乃九土之精生者化百毒和藥性潤肺解瘡疽胎毒利咽喉。

黃芪

去心。蜜水潤炙。如入補腎藥。以鹽水潤炙。切片。炙爲補氣藥。生有托毒功。

人蔘

補氣。獨入肺經。肺主諸氣。蓋肺旺則四臟皆旺。精自生而形自盛。補中益氣。一切虛證。

沙蔘

清肺火。益心。治久嗽肺痿。消癰排膿。

桔梗

去頭枝浮皮。泔水浸一宿。切片微炒。職稱肺經。消痰理欬。

清上焦熱。治咽喉。排膿。口鼻諸證。

知母

去尾切片。上行酒潤焙。下行鹽水潤焙。瀉有餘之相火。多服令人洩。

白朮

浸一宿。切片。土拌。蒸透。去土。勿炒。於朮浸刮。飯上蒸曬。如棗黑。黃土炒。於朮功勝。白朮乃中宮和氣補脾之藥。

蒼朮

泔水浸。去粗皮。切片。日乾。土炒炭。治脾胃寒溼。消痰逐水。

不伏水土。止瀉痢霍亂。久服延年。

元薺

蒸曬。忌銅器。消癰。滋陰降火。利咽喉。通小便。

地榆

水洗去骨。切曬磨粉。療惡肉。湯火膿血。犬傷。

丹薺

色赤。酒潤炒。血分藥也。補心血。養神志。生新血。安生胎。落死胎。爲胎前產後要藥。每晚酒送末二錢。連服四十日。可療痛經卽孕。

白芨

療瘡。嚼塗手足燥裂。

三七

止血定痛。癰腫蛇傷。

黃連

大寒。治實火。凡痢疾目疾。非實火誤服致命。爲倒胃之藥。唯驚能療。解巴豆輕粉之毒。胡黃連性同。

黃芩

苦寒。風痰骨蒸喉膽。癰毒。養陰退陽。

秦艽

去毛浸一宿。曬乾切片。搜肝膽伏風。養血榮筋。理肢節痠麻不遂。大便滑泄者忌用。

天麻

酒浸透。以粗紙黏餘酒裏煨。切片焙用。治風溼四肢拘攣。助陽通血脈。利腰膝強筋。頭風眩暈。

柴胡

去皮切。忌經火。苦寒。行兩脇。入膽經。暢氣血。肩背痛。銀柴胡亦同。勞羸者尤宜。根上升。梢下行。

前胡

去淨皮鬚。入竹漚內浸潤。日乾。切用。微寒。肝膽中風痰。非此不療。柴胡主升。前胡主降。散風祛熱。消痰下氣。開胃化食。止嘔喘嗽。安胎。治小兒夜啼。

防風

甘溫。走膀胱。瀉肺實火。頭風眼淚。祛溼。而黃芪得之。其功愈大。乃相畏而相使也。

藎落羌活

去皮焙用。治一切痛風。散癰毒惡血。腎閒邪風。



升麻

內白外黑者佳。治脫肛遺濁。小便閉塞。用此提氣。下元虛

者忌用。

苦薺

泔水浸蒸切曬乾。主風熱蟲證。腸風血。精下痢。治大麻風

虛弱忌服。

延胡索

破血利氣。通經止痛。

紅花

酒洗焙少用通經活血多用破血去瘀血。

水紅花子

研損用剋堅消痞痰積惡滯。

苒母

去心糯米炒黃治肺家燥痰敷惡瘡浙苒去心炒專消癰

疽毒痰。

茅根

甘寒入胃治內熱煩渴利小便止喘黃疸。

龍膽草



去頭鬚切細。甘草湯拌曬。味潛大寒。相火寄在肝膽。瀉肝膽膀胱之熱火。療咽喉。

細辛

去頭爪。水浸一宿切曬。治牙癰頭風。通疔竅。

當歸

酒浸曬乾切用。上部用頭。中部用身。下部用梢。頭身活血。梢破血。全用定血。引血歸經。除頭痛。和血補血。潤腸胃筋。骨皮膚排膿止痛。

茜草

